

**ZAPISNIK
SA V SJEDNICE UPRAVNOG ODBORA
UDRUŽENJA POSLODAVACA U FBIH**

održane dana 10.11.2016 godine (četvrtak), sa početkom u 16:00 časova u prostorijama Upravne zgrade Bingo d.o.o. (Bosanska poljana bb) u Tuzli.

Sjednici su prisustvovali članovi U.O.: Rusmir Hrvić, Adnan Smailbegović, Snježana Kopruner, Safudin Čengić, Ante Suton, Eldin Hadžiselimović, Nurdin Peštalić, Nijaz Skenderagić, Tomislav Slišković i Izet Imamović.

Sjednici su po ovlaštenju članova UO prisustvovali: Željko Marjanović (po ovlaštenju Vilima Primorca).

Sjednici nisu prisustvovali članovi U.O.: Sanel Kusturica, Kemal Čolak, Suhad Ećo, Adisa Karahodžić, Milenko Čolak, Marin Raspudić, Marijan Željko, Enisa Bekto, Ramiz Grapkić i Kemal Hrnjić koji su opravdali svoj izostanak.

Sjednici je pored članova UO prisustvovali i članovi ESV-a za teritoriju FBiH.

Ispred UP FBiH: Mladen Pandurević i Mersiha Jusić.

Obzirom da je Predsjednik UO opravdano kasnio na sjednicu, sjednicu je otvorio potpredsjednik UO gđin. Rusmir Hrvić.

Potpredsjednik Upravnog odbora Rusmir Hrvić je predložio sljedeći:

DNEVNI RED

1. Usvajanje Zapisnika sa IV redovne i II vanredne sjednice UO;
2. Razmatranje Prednacrta Zakona o porezu na dohodak;
3. Razmatranje Prednacrta Zakona o doprinosima;
4. Informacija o novoj inicijativi njemačkog Ministarstva za privredu i energiju prema BiH;
 - a) Imenovanje predstavnika UPFBiH za učešće u radu radionice („Workshop“) i Operativne grupe („Task Force“);
5. Imenovanje člana Partnerstva politika za cjeloživotno poduzetničko učenje FBiH;
6. Informacija o stanju pregovora za potpisivanje GKU;
7. Tekuća pitanja
 - a) pokretanje inicijative za izmjenu OKU FBiH

Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa IV redovne i II vanredne sjednice UO:

Vezano za ovu tačku dnevnog reda predsjedavajući je obavijestio prisutne da su dobili materijale za sve tačke dnevnog reda uključujući i Zapisnike i zamolio da se izjasne da li imaju primjedbi.

Obzirom da nije bilo primjedbi nakon glasanja donesen je sljedeći:

Zaključak: Zapisnik a IV redovne i II vanredne sjednice UO je jednoglasno usvojen.

Tačka 2. Razmatranje Prednacrtu Zakona o porezu na dohodak;

Tačka 3. Razmatranje Prednacrtu Zakona o doprinosima;

Vezano za ove tačke dnevnog reda gđin. Mladen Pandurević je upoznao prisutne o prijedlozima ističući da se prema Prijedlogu zakona koje je pripremila Ministarstvo finansija uvode nova opterećenja za poslodavce.

Prijedlogom Zakona o porezu na dohodak: stopa poreza na dohodak povećava se sa 10% na 12%; ukidaju se povlastice koje su građani imali zbog broja članova porodice koje izdržavaju, odnosno djece; poreski opseg proširen je i na prihode po osnovu dividende te se oporezuju i kamate na štednju.

Nacrtom Zakona o doprinosima: uvodi se oporezivanja toplog obroka, regresa i prevoza sa posla i na posao. Na ovaj način doći će do rasterećenja poslodavca koji isplaćuju visoke plaće, dok će se niža primanja dodatno opteretiti a što predstavlja većinu plaća u realnom sektoru.

U diskusiji su učestvovali i svi članovi ESV-a koji su bili na prošloj sjednici ESV-a. Članovi ESV-a su kroz diskusiju izrazili zabrinotost i nezadovoljstvo sa radom ESV-a. Upoznali su prisutne da je Minisatrica finansija FBiH na posljednjem sastanku ESV-a bila izričita vezano za ova dva Zakona i da je istakla da se tu ništa ne može promjeniti pozivajući se na zahtjeve MMF-a. Također su istakli da su veoma nezadovoljni sa postupcima Premijera Vlade FBiH gosp. Fadila Novalića koji je obećao poslodavcima da će učiniti sve da ovi Zakoni ne prođu u ovakvoj formi, međutim na sjednici ESV-a se ponašao sasvim suprotno od obećanja poslodavcima.

Svi članovi UO su kroz diskusiju bili jedinstveni u stavovima da se ovi Zakoni ne smiju pustiti da prođu bez javne rasprave te da je potrebno učiniti sve napore od strane Udruženja poslodavaca FBiH kako bi pronašli rješenje koje je povoljno za poslodavce.

Nakon diskusije u kojoj su učestvovali svi članovi UO I ESV-a i koji su dali konkretne prijedloge o daljnim aktivnostima donesen je sljedeći:

Zaključci:

A.D. 2.1. Udruženje poslodavaca u FBiH će zahtjevati da se usvajanje Zakona o porezu na dohodak i Zakona o doprinosima odgodi do momenta rasterećenja privrede.

A.D. 2.2. Organizovati sastanak rukovodstva UPFBiH sa svim predsjedavajućim klubova poslanika Predstavničkog doma i klubova delegata Doma naroda Palamenta FBiH.

A.D. 2.3. Organizovati sastanak sa liderima stranaka u FBiH.

A.D. 2.4. Organizovati PRESS KONFERENCIJU u saradnji sa vanjsko trgovinskom komorom, Privrednom komorom FBiH, Vijećem stranih investitora i FIPA-om kako bi se šira javnost i građani upoznali sa posljedicama primjene ovih Zakona.

A.D. 2.5. Član UO gđin. Safudin Čengić će obezbijediti stručnu pomoć od strane prof. Mehmeda Jahića.

A.D.2.6. Organizacija tematskih emisija putem medija u kojima bi se obezbijedila javna rasprava o navedenim Zakonima u kojima bi učestvovali predstavnici Vlade, sindikata i poslodavaca. Direktor UPFBiH gđin. Mladen Pandurević je preuzeo na sebe obavezu da sa urednicima emisija obezbijedi termine. Također zaključeno je da će u raspravama biti uključeni i ekonomski analitičari.

Tačka 4. Informacija o novoj inicijativi njemačkog Ministarstva za privredu i energiju prema BiH;

- b) Imenovanje predstavnika UPFBiH za učešće u radu radionice („Workshop“) i Operativne grupe („Task Force“);**

Vezano za ovu tačku dnevnog reda obzirom da nije bilo prijedloga donesen je sljedeći:

Zaključak:

UO je ovlastio Predsjednika UO da imenuje predstavnika UPFBiH za učešće u radu radionice (Workshop) i Operativne grupe (Task Force).

Tačka 5. Imenovanje člana Partnerstva politika za cjeloživotno poduzetničko učenje FBiH;

Obzirom da nije bilo prijedloga od strane UO donesen je sljedeći:

Zaključak: UO je ovlastio Predsjednika UO da imenuje predstavnika UPFBiH za člana Partnerstva politika za cjeloživotno poduzetničko učenje FBiH.

Tačka 6. Informacija o stanju pregovora za potpisivanje GKU;

Vezano za ovu tačku dnevnog reda gđin. Pandurević je upoznao prisutne sa kolektivnim

pregovaranjem u djelatnostima u kojima Udruženje učestvuje kao potpisnik u pregovorima. U svoj izvještavanju istako je da su do sada potpisana 3. KU (metalna industrija, komunalan privreda i promet) te da se očekuje uskoro potpisivanje još tri KU koja nisu sporna (djelatnost prerade drveta, finansije i trgovina). U toku su pregovori za građevinarstvo. Potpisivanje KU sporno je za tekstilnu industriju i industriju hemije i nemetala.

Potpisivanje KU za tekstilnu industriju je sporno zbog nemogućnosti postizanja kompromisa između sindikata i poslodavaca a vezano za jedan član koji se odnosi na utvrđivanje niže od najniže plaće. Naime, sindikat zahtjeva da se kod utvrđivanja niže od najniže plaće dobije saglasnost sindikata na što poslodavci nisu pristali. Poslodavci ponudili rješenje da se utvrđivanje niže od najniže plaće definiše na nivou poslodavca uz uslov da se KU ovlasti Vijeće uposlenika kod poslodavca da može sa poslodavcem ugovarati ove odredbe a što je u skladu sa Zakonom o vijeću uposlenika. Sindikat nije prihvatio ovakvo rješenje. Predsjedavajući pregovaračkog tima za Grupaciju poslodavaca za djelatnost tekstilne industrije pri UPFBiH gđin. Adnan Smailbegović je čvrstog stava da ukoliko sindikat ne pristane na ovu odredbu da neće doći do potpisivanja ovog KU.

Kod kolektivnog Ugovora za hemiju i nemetale Sindikat je tokom pregovora bio nekorektan i nekooperativan pri tome ne poštujući odredbe Protokola o zaključivanju KU koji je potpisan od strane sindikata i poslodavaca. Također svaki put nakon što bi usaglasili određene odredbe na sljedećem sastanku sindikat je iznosio nove zahtjeve otvarajući ponovno pitanja o kojima je postignuta saglasnost. Kako bi otklonili probleme i u cilju potpisivanja KU rukovodstvo UPFBiH je održalo sastanak sa predsjedavajućim pregovaračkih timova za kolektivni Ugovor za hemiju i nemetale. Obzirom da na sastanku nije bilo moguće pronaći zajedničko rješenje zbog izričitih zahtjeva od strane sindikata gđin. Mladen Pandurević je predložio da u okviru ove tačke UO donese Odluku o prekidanju pregovora budući da je UO nadležan da u slučaju ne postizanja dogovora donese odluku o daljem pregovranju.

Nakon diskusije donesen je sljedeći:

Zaključak: UO je donio Odluku o prekidanju pregovora za zaključivanje granskog kolektivnog Ugovora za djelatnost hemije i nemetala i razrješenju članova pregovaračkog tima. Zadužuje se stručna služba da navedenu Odluku dostavi članovima pregovaračkog tima, Predsjednici Samostalnog sindikata hemije i nemetala, Predsjedniku SSSBIH te Premijeru Vlade FBiH. Također je zaključeno da će se povodom ove Odluke organizovati press konferencija na kojoj će se javnost upoznati sa razlozima prekidanja pregovora.

Tačka 7. Tekuća pitanja

Pod tekućim pitanjima UO je razmatrao:

- a) Inicijativa za pokretanje postupka za izmjene Općeg kolektivnog Ugovora za teritoriju FBiH („Službene novine FBiH“ broj 48/16 i 62/16)

Gđin. Pandurević je upoznao prisutne da je stupanjem na snagu Pravilnika o izmjeni i dopuni Pravilnika o primjeni Zakona o porezu na dohodak („Službene novine FBiH“ broj 52/16 i 59/16), od 03.10. 2016. godine neoporezivi dio toplog obroka smanjen sa 2% na 1%, te da Vlada također planira kroz zakon o doprinosima oporezovati topli obrok u

potpunosti. S tim u vezi predložio je da UO u skladu sa članom 13. stav 4. Općeg kolektivnog Ugovora za teritoriju Federacije BiH, na osnovu kojeg strane potpisnice kolektivnog ugovora u slučaju promjene propisa kojim se definiše ova materija mogu odmah pokrenuti postupak izmjena člana 13. kolektivnog Ugovora, pokrene inicijativu za i Izmjene Općeg kolektivnog ugovora za teritoriju FBiH. Dalje je predložio da se odredbe člana 13. i 14 OKU kojim se definiše visina toplog obroka, te pravo na regres i prevoz na posao i sa posla izmjene na način da radnik ima pravo na navedene naknade samo u visini neoporezivog iznosa. Predložene izmjene imaju za cilj da u slučaju promjene propisa od strane Vlade poslodavac ima obavezu samo na isplatu neoporezivog iznosa naknada za topli obrok, regres i prevoz sa posla i na posao.

Nakon rasprave u kojoj su učestvovali svi prisutni podržan je prijedlog gđin. Pandurevića i donesen sljedeći:

Zaključak: Upravni odbor je donio Odluku o pokretanju Inicijative za Izmjene Općeg kolektivnog Ugovora za teritoriju FBiH.

Sjednica se završila u 18:00 sati

Zapisnik sačinila: Mersiha Jusić

PREDSJEDNIK UO

Adnan Smailbegović